



CANTON SARAJEVO
Cantonal Civil Protection Administration
Operational Center

Broj: 04-40-1-79/20
Sarajevo, 20.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 19.03.2020. do 08:30 sati 20.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Tako je jučer u 10:00 sati u skladu sa zaduženjima dobivenim od Štaba, Kantonalni operativni centar civilne zaštite u saradnji sa JU Zavod za javno zdravstvo Kantona Sarajevo, realizovao naredbu Federalnog štaba civilne zaštite vezano za neprekidno funkcionisanje Kantonalnog operativnog centra civilne zaštite, kao i primanja svih poziva putem broja 121 koji se odnose na pojavu zarazne bolesti koronavirus (prijava novih slučajeva, narušavanja samoizolacije i ili drugih naredbi koje se odnose na ponašanje stanovništva u novonastaloj situaciji), te na pružanje stručne pomoći osoblju Kantonalnog operativnog centra civilne zaštite od strane osoba medicinske struke iz JU Zavoda za javno zdravstvo Kantona Sarajevo, na način da svi takvi pozivi preusmjeravaju dežurnom (stručnoj medicinskoj osobi) u Zavodu za javno zdravstvo Kantona Sarajevo.



U periodu od 19.03. 2020. godine od 10:00 sati do 20.03.2020. godine do 09:00 sati Kantonalni operativni centar civilne zaštite je JU Zavodu za javno zdravstvo Kantona Sarajevo ukupno prosljedio 41 poziv građana koji se odnose na pojavu zarazne bolesti koronavirus. Također, treba istaći, da se ogromna većina zaprimljenih poziva građana putem broja 121, odnosi na koronavirus.

Štab je u toku jučerašnjeg dana, na realizaciji naredbe Federalnog štaba civilne zaštite, koja se odnosi na provođenje pojačanih vanrednih mjera odvoza smeća, čišćenja, pranja i dezinfekcije – posebno gradskih ulica, trotoara, javnih stepeništa, trgova, javnih parkinga i prostora koji su popločani, odnosno asfaltirani, angažovao Kantonalnu službu za veterinarske poslove, čiji su ekipe između, ostalog izvršile deratizaciju rukohvata na mostovima od Vijećnice do mosta Suade Dilberović, a te aktivnosti će se nastaviti i danas.

Štab je jučer u 15:00 sati održao 3. vanrednu sjednicu, na kojoj je analizirao stanje na području Kantona Sarajevo uzrokovano koronavirusom (COVID-19), kao i mjere i aktivnosti koje su preduzete od strane Štaba i općinskih štabova civilne zaštite na provođenju naredbi Federalnog štaba civilne zaštite, te razmatrao mjere i aktivnosti koje bi se trebale preduzeti na sprečavanju širenja zarazne bolesti koronavirusa.

Na osnovu svih prikupljenih podataka konstatovano je da na području Kantona Sarajevo, trenutno nema zaraženih koronavirusom, da se od strane organa uprave Kantona Sarajevo, općinskih službi za upravu, kao i drugih ustanova i institucija, te pravnih i fizičkih lica preduzimaju neophodne preventivne mjere zaštite od koronavirusa.

Po pitanju naredbi Federalnog štaba civilne zaštite, Štab je konstatovao slijedeće:

- da je Naredba Federalnog štaba civilne zaštite, broj: 12-40-6-148-5/20 od 17.03.2020. godine, koja se odnosi na neprekidno funkcionisanje Kantonalnog operativnog centra civilne zaštite, kao i da se putem broja 121 primaju pozivi koje se odnose na pojave zarazne bolesti koronavirus (prijava novih slučajeva, narušavanja samoizolacije i sl.), te na pružanje stručne pomoći osoblju Kantonalnog operativnog centra civilne zaštite od osoba medicinske struke iz Zavoda za javno zdravstvo Kantona Sarajevo, realizovana,
- da se Naredba Federalnog štaba civilne zaštite, broj: 12-40-6-148-16/20 od 17.03.2020. godine, koja se odnosi na pojačano provođenje dezinfekcije poslovnih površina i sredstava javnog prevoza – autobusi, tramvaji, trolejbusi, kombi vozila, taxi vozila i sanitetska vozila, kontinuirano provodi,
- da se Naredba Federalnog štaba civilne zaštite, broj: 12-40-6-148-20/20 od 17.03.2020. godine, koja se odnosi na provođenje pojačanih vanrednih mjera odvoza smeća, čišćenja, pranja i dezinfekcije – posebno gradskih ulica, trotoara, javnih stepeništa, trgova, javnih parkinga i prostora koji su popločani, kontinuirano provodi,
- da se na osnovu dobijenog izvještaja od Ministarstva unutrašnjih poslova Kantona Sarajevo, sve naredbe izdate od nadležnih štabova civilne zaštite na području Kantona Sarajevo u najvećoj mjeri poštuju. Ministarstvo unutrašnjih poslova Kantona Sarajevo



je u posljednja 24 sata na terenu preduzelo 217 mjera, a ustanovilo je samo 9 slučajeva kršenja naredbi nadležnih štabova civilne zaštite.

Štab je u skladu sa Zaključkom Vlade Kantona Sarajevo, donio naredbu kojom se naređuje Direkciji za robne rezerve Kantona Sarajevo da putem Štaba iz svojih rezervi izdvoji sve raspoložive količine alkohola 96% za potrebe laboratorija u okviru Kliničkog centra Univerziteta u Sarajevu, JU „Opća bolnica prim. dr. Abdulah Nakaš“ i JU Dom zdravlja Kantona Sarajevo.

Štab je donio i pojašnjenje vezano za naredbu koja se odnosi na zabranu privremenog obustavljanja rada svih prodavnica u trgovačkim centrima, osim prodavnica osnovnih prehrambenih artikala i apoteka na području Kantona Sarajevo, da se ta zabrana ne odnosi na maloprodajne prodavnice higijenskih potrepština.

Štab je zadužio upravu, da napravi specifikaciju zaštitne opreme i sredstava koja bi se trebala nabaviti, a u cilju sprečavanja pojave koronavirusa.

Od općinskih štabova civilne zaštite dobilo smo slijedeće informacije:

Općinski štab civilne zaštite Centar:

Odmah po najavama i prvom slučaju zaraze stanovnika Bosne i Hercegovine koronavirusom, Općina Centar je pokrenula slijedeće aktivnosti na prevenciji širenja i ranog otkrivanja ove bolesti:

- 5. marta izdvojeno je 7.000,00 KM za nabavku zaštitne medicinske opreme i dezinfekcionih sredstava za potrebe JU Dom zdravlja KS, OJ Centar-Vrazova s ciljem provođenja preventivnih mjera na sprečavanju širenja koronavirusa (realizovala Služba za civilnu zaštitu i mjesne zajednice).
- 5. marta pripremljena plakatu sa preporukama i savjetima za postupanje stanovništva u cilju suzbijanja eventualnog širenja koronavirusa (realizovano od strane – Zdravstvenog savjeta Općine Centar).
- 5. marta izvršena distribucija i umnožavanje navedenog plakata za građane sa područja Općine Centar (realizovala Služba za civilnu zaštitu i mjesne zajednice).
- 5. marta naložena dezinfekcija i kontinuirano čišćenje prostora Općine Centar, naložena nabavka sredstava za dezinfekciju koje su postavljene na prometna mjesta dostupna građanima (povećan broj uposlenika na čišćenju, nabavljene maske za uposlenike i dezinfikacioni otirači).
- 6. marta započela izrada uputstva za građane u vezi sa pojavom koronavirus-obavještenja postavljena na web stranici, oglasnim pločama, mjesnim zajednicama, haustorima i led displejima – realizovano odmah.
- 11. marta održan je sastanak sa predstavnicima Druge PU u vezi uklanjanja migranata sa raskrsnica, te sprečavanje prodaje higijenskih potrepština na ulicama.
- 12. marta u Javnoj ustanovi „Centar kulture i mladih“ obustavljeni svi projekti Općine Centar, projekti u Javnoj ustanovi „Centar za sport i rekreaciju“ obustavljeni u



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

narednih 15 dana, centri za zdravo starenje na području Općine Centar zatvoreni do 26. marta, a Centar za podršku porodicama sa djecom i osobama s poteškoćama u razvoju Općine Centar zatvoren je do 25. marta.

- 13. marta donijeta odluka o posebnom režimu rada službi Općine Centar Sarajevo.
- 16. marta izdvojena sredstva iz općinskog budžeta za obuku roditelja i djece u vezi on line nastave.
- 16. marta je donijeta odluka o reduciranju rada na terenu svih državnih službenika i namještenika Općine Centar Sarajevo.
- 16. marta je donijeta naredba svim državnim službenicima i namještenicima Općine Centar Sarajevo za poštivanje propisanih procedura u slučaju odlaska izvan Kantona Sarajevo.
- 16. marta je donijeta odluka o izdvajanju sredstava za nabavku dva respiratora, 9 termalnih kamere, 10 UV lampi i sredstva za dezinfekciju i zaštitnu opremu za zdravstvene ustanove i zgradu Općine. Naloženo da se napravi plan čišćenja ulica i trgova koje će realizovati DVD Bjelave. Zaključeno da se organizira dezinfekcija zajedničkih prostorija u zgradama kolektivnog stanovanja, kao i u prostorijama svih mjesnih zajednica. Zabranjen rad bifea u mjesnim zajednicama. Zaključeno da se na javna mjesta postave sredstva za dezinfekciju ruku. Upućen je apel građanima da reduciraju dolazak u prostorije Općine. Nabavljeni higijenski paketi za penzionere koji su korisnici projekta „Hljeb i mlijeko“.
- 17. marta, općinski načelnik je s obzirom na povećan priliv stranaka, a zbog lične sigurnosti građana, donio odluku da se do daljnjeg obustavlja postupak identifikacije korisnika lične i porodične invalidnine za ratne vojne invalide, šehidske porodice i civilne žrtve rata koji se provodi putem Službe za boračko-invalidsku, socijalnu zaštitu i društvene djelatnosti.
- 18. marta je održana 3. vanredna sjednica štaba u proširenom sastavu sa Zdravstvenim savjetom i predstavnicima OV Centar, na kojoj je izvršena prezentacija termalnih kamera i ostalih uređaja. Prezentacija je organizirana s ciljem što kvalitetnijeg odabira odgovarajućih termalnih kamera koje bi se nabavljale za potrebe javnih ustanova iz oblasti zdravstva (Klinički centar, Opća bolnica i JU dom zdravlja KS).
- 19. marta JU Dom zdravlja dodjeljeno je jedno grijno tijelo i 3 bezkontaktna toplomjera za potrebe organizacije trijažnog procesa u toj ustanovi.

Općinski štab civilne zaštite Ilidža:

U toku jučerašnjeg dana angažovana je Služba zaštite i spašavanja za čistoću i sanaciju terena na vanjskoj dezinfekciji terena (prostor oko zgrade Općine Ilidža, Doma zdravlja, škola, ambulanti, igrališta i dr. prostora). Također, je izvršena dezinfekcija zgrade Općine Ilidža, Doma zdravlja i V Policijske uprave.

U toku današnjeg dana nastavljaju se aktivnosti na dezinfekciji prostorija MZ i područnih ambulanti i ostalih javnih objekata na području Općine Ilidža, kao i aktivnosti na nabavci



određenih količina zaštitnih sredstava (skafandera, naočala i ostale lične opreme), te dezinfekcionih sredstava.

Općinski štab civilne zaštite Hadžići:

- Dana 18.03.2020. godine održana sjednica Općinskog štaba civilne zaštite. Zaključci i naredba doneseni na sjednici štaba, a vezano za suzbijanje koronavirusa, dostavljeni nadležnim Općinskim službama, angažovanim službama civilne zaštite i šestoj PU MUP-a KS.
- Četiri osobe koje su se vratile iz inostranstva, nisu imale izdato rješenje o samoizolaciji. Upoznat Zavod za javno zdravstvo radi daljnjeg postupanja.
- JU Dom zdravlja Hadžići iskazala potrebu za nabavkom dodatnih zaštitnih sredstava. Služba prve medicinske pomoći preduzima sve mjere iz svoje nadležnosti na suzbijanju širenja zarazne bolesti.
- Deset novih osoba stavljeno u samoizolaciju.
- Izvršeno pranje ulica.
- Preduzete pojačane mjere u organu uprave na dezinfekciji prostora, zaštiti osoblja i socijalne distance.

Općinski štab civilne zaštite Vogošća:

- Dana 18.03.2020. godine, održana je Druga vanredna sjednica Općinskog štaba civilne zaštite, a u vezi aktuelne situacije sa pojavom korona virusa. Na sjednici OŠCZ donesena je Odluka o proglašenju stanja prirodne nesreće na području općine Vogošća zbog opasnosti od širenja zarazne bolesti uzrokovane korona virusom (COVID 19).
- Donesena je Naredba o provođenju općih i posebnih mjera zaštite od zaraznih bolesti, sa posebnim akcentom na pojačanu vanrednu dezinfekciju poslovnih površina i sredstava za rad, shodno Zakonu o zaštiti od zaraznih bolesti FBiH.
- Donesena je Naredba o angažovanju službi za zaštitu i spašavanje Općine Vogošća i to: Službe prve medicinske pomoći formiranoj u OJ Dom zdravlja Vogošća za provođenje mjera iz svoje nadležnosti u cilju sprječavanja pojave i širenja zarazne bolesti i Službe za zaštitu od požara formiranoj u UG Vatrogasno društvo Vogošća koja u saradnji sa Službom za komunalne, poslove mjesnih zajednica i zajedničke poslove Općine Vogošća vrši sapiranje ulica na području općine Vogošća.
- U toku su aktivnosti na nabavci dodatnih količina zaštitne opreme i sredstva (rukavice, maske, dezinfikaciona sredstva i drugih sredstava).

Od ostalih općinskih štabova civilne zaštite putem njihovih operativnih centara civilne zaštite smo obavješteni da oni kontinuirano poduzimaju mjere i aktivnosti na provođenju naredbi nadležnih štabova civilne zaštite.



Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su 26 intervencija na gašenju požara.

Jedna veća inntervencija je bila sinoć u 21:04 sati na gašenju krova kuće u Ulici Megara br.12 (Općina Stari Grad). U gašenju požara je učestvovalo 9 vatrogasaca sa 3 vatrogasna vozila. Požar je lokalizovan u 21:22 sati. Na licu mjesta zatečeno je jedno povrijeđeno lice (nepoznat stepen povreda).

Preostale intervencije bile su manjeg intenziteta.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6°C, relativna vlažnost zraka 54 % a barometarski pritisak 949 hPa.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1